

證治準繩

六十

四

外科

股部

股陰疽

股陽疽

附骨疽

膝部

鶴膝風

脛部

脛疽

脛陰癰

三里發

接骨發

騙馬墜

青蛇便

瓜藤纏

濕毒流注

下注瘡

內踝疽

外踝疽

多骨疽

腓脛發

臙瘡

風疽

足部

脚發

脫疽

脚氣瘡

甲疽 嵌甲

脚指縫爛瘡

足跗發

足跟瘡

足心癰 肉刺

內閣文庫	
番號	漢 12971
冊數	100 (60)
函號	301 60

內閣文庫
 三九七一
 九〇
 漢書



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



六股部 十五

股陰疽

與附骨疽參看

靈樞云發於股陰名曰

赤流不急治六十日死在兩

股之內不治十日死

鬼遺云陰疽發腿髀及陰股

始發腰強數飲不能多七日發堅腫脹惡疼心煩躁

死不治




或問大股之內陰囊之側生毒何如曰在左為上馬

癰在右名下馬癰在肚門傍名肚門癰俱屬足太陽

經濕熱七情不和憂憤所致宜服內補黃芪湯內托

羌活湯十全大補湯選用勝金丹紫金丹壯實者一

上馬
下馬



後邪

外斗

八十五

粒金丹八陣散下之嘔吐不食麻木黑陷膨脹六脉
微或代冷汗不止煩躁狂妄小水不利泄瀉者不治
未潰之先宜服臺閣紫微丸 按足三陽之脉在外
皆曰髀足三陰之脉在內皆曰股今日大股之內陰
囊之側則屬三陰經而厥陰為多明矣乃以為足太
陽不亦謬乎 一人腿內側患癰未作膿而腫痛以
內托黃芪柴胡湯二劑稍愈又一劑而消 一人腿
內患癰漫腫作痛四肢厥咽龍塞發寒熱諸治不應
乃邪鬱經絡而然也用五香連翹湯一劑諸證少退
又服大便秘行二次諸證悉退而愈 一人年二十餘

股內患毒日久欲求內消診脉滑數知膿已成因氣
血虛不潰刺之膿出作痛用八珍湯稍可但膿水清
稀用十全大補湯三十餘劑而痊蓋膿出反痛者虛
也 一僧股內患腫一塊不痛不潰治托裏二十餘
劑膿成刺之作痛予謂腫而潰潰而反痛此氣血虛
甚也宜峻補之彼云氣無補法予曰正氣不足不可
不補補之則氣化而痛自除遂以參芪歸木熟芋治
之兩月餘而平 大抵瘡瘍先發為腫氣血鬱積蒸
肉為膿故多痛膿潰之後腫潰肌寬痛必漸減而痛
愈盛者氣血不足也即丹溪河間虛甚之說

○股陽疽

靈樞云發於股陽名曰股陽疽其狀不甚變色癰腫內薄於骨不急治三十日死矣

或問腿外側胫下五六寸生疽何如曰此名伏兔發寒熱大作疼痛徹心焮腫無頭是也屬足陽明胃經先賢謂不治之證早覺早治為上急隔蒜灸灸而炮起者可治無炮者難治服活命飲加牛膝木瓜漢防已紫金丹勝金丹汗之壯實者八陣散一粒金丹下之
一人股外側患癰漫腫大痛以內托黃芪湯酒煎二劑少可更以托裏數劑潰之而愈
一人年踰

二十稟弱左腿外側患毒三月左潰膿水清稀肌肉不生以十全大補湯加牛膝二十餘劑漸愈更以豆豉餅灸月餘而痊
一婦腿癰久而不愈瘡口紫陷膿水清稀予以為虛彼不信乃服攻毒之劑虛證蜂起復求治灸以附子餅服十全大補湯百餘貼而愈
一人腿癰內潰針之膿出四五碗許惡寒畏食脈診如絲此陽氣微也以四君子加炮附子畏寒少止又四劑而止以六君子加桂數劑飲食頗進乃以十全大補及灸附子餅兩月愈
一老腿癰膿自潰忽發昏瞶脈細而微此氣血虛極也以大補之劑而甦

一人腿癱兼筋攣痛脉弦緊用五積散加黃檗柴
胡蒼朮而痊 一婦左腿痛不能伸脉弦緊按則瀉
以五積散二劑痛少止又二劑而止以神應養真而
愈 脉弦緊瀉屬寒故用五積散辛熱以散之 一人右腿赤腫焮痛脉沉
數用當歸拈痛湯四肢反痛乃濕毒鬱遏又况下部
藥力難達非藥不對證遂砭患處去毒血仍用前藥
一劑頓減又四劑而消 一人年踰五十冬患腿癱
脉數煩躁飲冷便秘腫痛焮甚此熱淫于內也宜用
苦寒之藥投清涼飲倍加黃芩其勢頓退更以四物
湯加黃芩而愈 一人年三十連得憂患作勞好色

左腿外側廉紅腫如粟醫以大府實與氣兩貼下
之又一醫與大黃朱砂血竭三貼而脉大實後果死
此厥陰多氣少血經也 一人腿癱膿成針之出膿
二碗許飲托裏藥一劑大發熱更用聖愈湯二劑而
止翌日惡寒不食脉細如絲以人參壹兩熟附叁片
薑棗煎服而愈但食少不寐更以內補黃芪湯而平
一人腿腫發熱惡寒以補中益氣湯治之彼以為
緩乃服苓連等藥熱愈盛復請治以人參養榮湯
二十餘劑而潰更以參芪歸朮炙甘草肉桂月餘而
斂 一人年踰三十左腿微腫痛日久肉色如故不

股部

外科

卷七

患飲食東垣云滄蕩腫下而堅者發于筋骨此附骨
疽也乃真氣虛濕氣襲于肉理而然蓋諸虛皆稟于
胃食少則胃弱法當助胃壯氣以六君加藿香當歸
數劑飲食漸進更以十全大補湯而愈一人遍身
走痛兩月後在脚面結腫未幾腿股又患一塊脉輕
診則浮重診浮緩此氣血不足腠理不密寒邪襲虛
而然以加減小續命湯四劑及獨活寄生湯數劑疼
痛頓去更以托裏藥倍加參芪歸朮百貼而愈南
司馬王荆山腿腫作痛寒熱發渴飲食如常脉洪數
而有力此足三陽經濕熱壅滯用檳蘇敗毒散一劑

而寒熱止再劑而腫痛消更用逍遙散而元氣復
月後因怒腫痛如錐赤暈散漫用活命飲二劑而痛
緩又用八珍湯加柴胡山梔丹皮而痛止復因勞役
倦怠懶食腿重頭暈此脾胃氣虛而不能升舉也用
補中益氣湯加蔓荊子而安一儒者兩腿腫痛肉
色不變惡寒發熱飲食少思肢體倦怠此脾氣不足
濕痰下注也以補中益氣加半夏茯苓芍藥二劑寒
熱退而腫痛消又十餘劑脾胃壯而形體健一男
子患此入房兩腿硬腫二便不通余謂腎開竅於二
陰乃肝腎虧損也用六味丸料加車前子牛膝而二

段平

便利用補中益氣湯而腫硬消喜其年少得生
上舍內痛如錐肉色如故面黃燥食痛甚作嘔此痛
傷胃也用六君子以壯其脾胃用十全大補以助其
膿而針之更用前湯倍加參芪芩歸麥門五味遠志
貝母而瘡斂
一男子因負重飲食失節胸間作痛
誤認為瘡毒服大黃等藥右腿股腫肉色如故頭痛
惡寒喘渴發熱脉洪大而無功此勞傷元氣藥損胃
氣而然耳用補中益氣湯四劑又用十全大補湯數
劑喜其年少而愈

○附骨疽

丹溪云環跳穴痛防生附骨疽以蒼朮佐黃蘗之辛
行以青皮冬加桂枝夏加黃芩體虛加杜牛膝以生
甘艸為使大料煎入生薑汁食前飲之痛甚者恐十
數貼發不動少加麻黃一二貼又不動恐疽將成急
掘地成坎以火煨紅沃以小便赤體坐其中以席圍
下體使熱氣薰蒸腠理開氣血暢而愈 或問附骨
疽何以別之曰凡患流注表未盡則餘毒附骨而為
疽在股外屬足太陽陽明經在股內屬足厥陰足少
陰經又云風濕折熱熱結而附骨成疽蓋骨者腎之
餘腎虛則骨冷而遂附着於骨也骨冷則氣愈滯而
股邪

血愈積但能為腫不能為膿流注者傷寒之餘毒骨
疽者流注之壞證也流注非傷寒之罪乃醫者表之
未盡也骨疽非流注之過乃庸醫涼藥之誤也又云
久得厚味及醉後涉水或履冰霜雪寒入脾樞積痰
瘀血相搏而成疽初時暫痛無時乍寒乍熱而無汗
久則痛深入骨而不移處按之痛不止者是也初覺
即服蒜灸之以多為上宜勝金丹烏金散汗之壯實
者一粒金丹下之或八陣散久則極陰生陽寒化為
熟肉腐而成膿膿成則宜烙十全大補湯加牛膝木
瓜補之有久潰毒結留連展轉經歲不已腐出朽骨

者骨雖出而不愈有終身之咎視其白膿清稀者碎
骨初脫肉深難取膿白而稠者碎骨將出肉淺可取
大抵久腐出骨不論強弱老幼必須補益使氣血和
暢正氣漸復邪氣漸退自然收斂十全大補湯人參
養榮湯在所當用未成膿者以中和膏貼之蓋有獨
活能動盪氣血也已潰者宜服何首烏散此藥能調
和陰陽也薛附骨疽有因露卧風寒深襲於骨者
有因形氣損傷不能起發者有因尅伐之劑虧損元
氣不能發出者有因外敷寒藥血凝結於內者凡此
皆宜灸熨患處解散毒氣補接陽氣溫補脾胃為生

凡此

小

若飲食如常先用仙方活命飲解毒散辭隨用六君子湯補托榮氣若體倦食少但用前湯培養諸臟使邪不得勝正若膿已成卽針之使毒不得內侵帶生用針亦無妨如火針亦不痛且使易斂其隔蒜灸能解毒行氣葱熨法能助陽氣行壅滯此雖不見於方書余常用之大効其功不能盡述唯氣血虛脫者不應一女髀樞穴生附骨疽在外側廉少陽經分始末用五香湯十宣散一日惡寒發熱臍滿猶大服五香湯一夕喘死此升散太過孤陽發熱于上也一人年踰四十夏患附骨癰予以火針刺去瘀血更

服托裏藥而愈至秋忽不飲食痰氣壅盛勞則口舌生瘡服寒藥腹痛彼疑爲瘡脾胃脈輕取似大按之無方此真氣不足虛火炎上也治以八味丸彼不信自服二陳四物湯幾殆復請予仍以前丸治之而愈一人附骨癰畏針不開脣膝通潰脈數發渴煩躁時嗽飲食少思齊氏曰瘡瘍煩躁時嗽腹痛渴甚或泄利無度或小便如淋此惡證也膿出之後若肌洪數難治微清遲緩易治刺之膿出四五椀卽服參芪歸朮大劑翌日脈稍斂更服八珍湯加五味子麥門肉桂白斂三十餘貼脈緩膿稠三月乃愈一老

患附骨疽腫硬大按方痛口乾脉弱腫聚不潰飲食
少思予謂腫下而堅者發於筋骨肉色不變者發於
骨髓遂托以參芪等藥二十餘劑膿雖熟不穿予謂
藥力難達必須針刺不聽至旬日方刺涌出清膿五
六碗然衰老氣血不足養毒又久竟不救大抵瘡
疽旬日不退宜托之有膿刺之有腐肉取之虛則補
之此十全之功也一人患貼骨疽腿細短軟瘡口
不合以十全大補湯外灸附子餅貼補藥膏調護得
宜百貼而愈一人環跳穴患附骨疽彼謂小瘡服
敗毒藥外以寒藥敷貼因痛極針之膿瘀大泄方知

為癰請治其脉右關浮大此胃氣已傷故瘡口開張
肉紫下陷捫之不熱彼謂瘡內更覺微冷自謂必成
漏矣灸以豆豉餅飲六君子加藿香砂仁炮薑數劑
胃氣漸醒飲食漸進患處漸暖肌肉漸生更以十全
大補湯而愈一人亦患此內痛如錐外色不變勢
不可消喜其未用寒劑祇因痛傷胃氣而不思食以
前藥去炮薑治之飲食稍進更以十全大補湯二十
餘劑膿成針去仍以大補湯倍加參芪等歸膿久不
止更加麥門五味貝母遠志數服漸止瘡亦尋愈
二證蓋因濕熱滯于肉理真氣不能運化其始宜除

設下

外

卷二

濕熱實脾土和氣血則濕自消散若膿未成以隔蒜灸之立效一婦四十餘近環跳生疽尺脈沉緊腿不能伸經曰脾移寒於肝癰腫筋攣蓋脾主肉肝主筋肉溫則筋舒肉冷則筋急遂與乳香定痛丸少愈更以助胃壯氣血藥二十餘劑而消一人因痢驟瀉環跳穴作痛與四物湯加苑仁酒黃芩紅花蒼朮枳殼黃蘗柴胡青皮生薑十餘劑稍可更刺委中出黑血而愈一後生散骨痛以風藥飲酒一年予以防風通聖散去硝黃加生犀角浮萍百餘貼成一疽近皮革膿出而愈後五六年其處再痛予曰舊病作

無能為矣蓋發於新娶之後多得香辣肉味若能淡遠房勞猶可生也出膿血四五年延及腰背皆空又三年而死此純乎病熱者一少年天寒極勞散骨痛兩月後生疽深入骨邊卧三年取刺骨而安此寒搏熱者也取久疽及痔漏中朽骨用烏骨雞脰骨以砥實之鹽泥固濟火煨紅地土出火毒去泥用骨研細飯丸如粟米大萬曆乙亥余方閉關作舉子業適姻家虞懋菴股內側痛久矣醫作痛風治月餘不効膿熟肉厚不得穿穴出因潰入腹精神昏憤粥藥不入醫不能措手請教於余余特破例為診之脈細如蛛絲氣息奄奄欲絕曰無傷也可

受邪 小兒 七三

以鉞針刺其腹膿大泄數升然皆清如水瘡口若蟹吐沫醫疑其透膜不可治余曰無傷也可以參芪附子加厥陰引經藥大劑飲之為製八味丸食前輒吞百丸食大進日噉飯升餘肉數鱗旬日而平所以知可治者潰瘍之脈洪實者死微細者生今脈微細形病相合知其受補故云可治也所以刺其腹者膿不洩必有內攻之患且按之而知其創深即刺之無苦也所以信其不透膜即透膜無損者無惡候也所以服八味丸者八味丸補腎腎氣旺而上升則胃口開而納食故食大進也洩膿既多乃主之藥其何能濟

遷延遲久且變生故進開胃之藥使多食菜肉以補之肌乃速生此治潰瘍之大法也

黃狗下頰方 治肚癰少腹癰及腿上貼骨癰神效

又云可治發背大抵此方治下部癰疽妙

用黃狗下頰連舌連皮毛劈下入確鹽泥封固鐵

蓋蓋口煨一炷香覺烟清即止務宜存性不可過

過則無用矣視其骨灰正黑色者為妙若帶白色

其性已過勿用用時研白斂末一豌豆粉俗名水

名小寒右三味等分以各伍錢為率酒調空腹

服外又以三味等分為敷藥香油調傳患處其驗

受邪

以服藥後出臭汗及熟睡為準史鶴亭太史親見
顧天宇室人驗過宜於屠家取已殺者製以備用若生取特殺反招不祥
 按此方世多用之萬氏家抄亦已收載然但知其
 可為敷藥散腫止痛而不知其可以內服為下部
 癰疽內消之聖藥也予有轎夫環跳穴痛甚如鷄
 啄火灼適製有藥以酒調參錢飲之未逾更進一
 服霍然如失明日昇轎如故了無苦矣
 三生散 治諸瘡大痛不辨肉色漫腫光色名附骨
 癰如神

露蜂房

蛇退

頭髮

洗淨各等分

右燒灰存性研細酒下參錢

內托黃芪柴胡湯

治附骨癰

黃芪 貳錢

柴胡

土瓜根

酒洗各壹錢

羌活 半錢

連翹 壹錢參分

官桂

黃檗

生地黄 各貳分

當歸

柒分半

右吹咀作一服水參盞酒壹盞同煎至一盞去滓
 熱服宿食消盡服一服而愈昔賈德茂男年十歲
 丁未四月十一日於左腿近膝股內出附骨癰不
 辨肉色漫腫皮澤木硬瘡勢甚大其左脚乃肝之
 脾土也更在足厥陰肝經之分少侵足太陰脾經

心下

小斗

七十五

之分其脉左三部細而弦按之緩而微有力為製
此方主治一方無黃礫
內托黃芪酒煎湯

黃芪

當歸尾

柴胡

壹錢半

升麻 朱分

連翹

肉桂

黍粘子

炒各壹錢

黃礫

炙甘草各半錢

右咬咀好糯米酒壹盞半水壹大盞半同煎至壹
大盞去滓空心宿食消盡温服待少時早膳壓之
使不冷大熱上攻中上二焦也丁未季春蒲度主
老年七十因寒濕地氣得附骨疽于左腿外側足

少陽脛經之分微侵足陽明分闊六七寸長一尺
堅硬漫腫不辨肉色皮澤來但行步作痛以指按
至骨大痛與藥一服立止再服堅硬腫消
當歸散 治附骨癰及一切惡瘡

當歸

甘草

山梔子

拾貳枚

大鼈子

壹枚 去殼

右為細末每服叁錢冷酒調服

漏蘆湯 治附骨疽

漏蘆

升麻

連翹

麻黃

去根節 各壹兩

防已

木香

股部

附骨疽

外科四

九十六

白欬

沉香 各半兩

大黃

剉炒 壹兩半

右判碎每服伍錢水壹盞半入竹葉柴片煎至柒分入芒硝壹錢攪勻去滓空心溫服取利三二行未利再服

應痛丸

治走注疼痛疑是附骨疽者

蒼朮 去皮

當歸

黑牽牛

烏頭 炮各壹兩

右為細末醋糊為丸如小豆大每服叁拾丸空心

醋湯下

外治貫衆湯

治附骨癰生股上伏肉間淋瀝

貫衆

地骨皮

穀精艸

枇杷葉 拭去毛 刷炙

荆芥 去梗

蜀椒 去目并合口者已上

各壹兩

右搗篩以水叁升煮取貳升和滓淋漉蘸布帛搗

蜜陀僧散

蜜陀僧

自然銅

各半兩

杏仁

去皮尖雙仁貳柒枚

右用苦竹筒壹枚入藥在內紙封筒口慢火煨候筒黃色取出研極細看瘡大小用藥以新汲水調勻用雞翎掃塗癰上甚者不過二七日效

後下

下十日

七二

○腿遊風

或問腿股忽然赤腫何如曰此名腿遊風風熱相搏而然屬足太陽經宜砭出血服防風通聖散去白朮加黃蘗牛膝防已主之

○委中毒

或問一女年十四往來寒熱膝後臑內約紋中堅硬如石微紅微腫何如曰此名委中毒此穴在膝後摺紋中屬太陽膽經由臟腑積熱流入膀胱而發用八陣散下淤血斗許而消若治之稍遲潰則筋縮必成癢疾

人膝部 十六

○鶴膝風

靈樞云發於膝名曰疝疽其狀大癰色不變寒熱而堅勿石石之者死須其柔乃石之者生堅如石者用樟陸根擦諸癰疽之發於節而相應者不可治也發於陽者百日死發於陰者三十日死陽謂諸節之背陰謂諸節之腹或問兩膝腫痛股漸小何如曰此名鶴膝風一名鼓槌風起於中濕或因痢後脚弱緩痛不能行履名曰痢風或傷寒餘毒不能發散風寒濕氣結於經絡血脉不流以致筋愈縮而股愈瘦屬足

本草部 醫風 下斗

少陽足陽明經宜用玉龍膏酒調敷腿以上住痛回
陽又宜冲和膏塗足趾以引氣行血服大防風湯追
風丸倍加乳香以住痛舒筋亦宜隔蒜灸之或問
膝上腫痛何如曰此非一端要須明辨若兩膝內外
皆腫痛如虎咬之狀寒熱間作股漸細小膝愈腫大
名鶴膝風急隔蒜灸服大防風湯但一膝痛引上下
不甚腫而微紅名膝遊風宜服聖授丹換骨丹防風
通聖散加牛膝木瓜但膝之兩傍腫痛增寒壯熱晝
夜偏劇腫處手不可近為膝眼毒膝蓋上腫痛者為
膝癰此二證宜服勝金丹或紫金丹八陣散活命飲

加牛膝 薛鶴膝風乃調攝失宜虧損足三陰經
邪乘虛而入以致肌肉日瘦內熱減食肢體攣痛又
則膝大而腿細如鶴之膝故名之若傷於脾胃者補
中益氣湯為主傷於肝腎者六味丸為主若欲其作
膿或潰後十全大補湯為主皆佐以大防風湯初起
須用蔥熨可以內消若津涸口乾中氣不足也補中
益氣湯加五味子頭暈頭痛陽氣不升也補中益氣
湯加蔓荊子發熱晡熱陰血虛弱也用四物參芪白
朮畏寒憎寒陽氣虛弱也用十全大補湯飲食少思
胸膈膨脹脾胃虛痞也用四君子湯面色痿黃飲食

膝風

九二

少思脾胃虛弱也用六君子湯膿水清稀肌肉不生
氣血俱虛也用八珍湯熱來復去有時而動無根虛
火也用十全大補湯形瘦嗜臥寢息發熱痰盛作渴
小便頻數五臟虛損也用六味丸臍腹疼痛夜多漩
溺脚膝無力頭暈吐痰腎氣冷敗也用八味丸發熱
大渴不欲近衣面目赤色脉大而虛血虛發躁也用
當歸補血湯或有痢後而患者亦治以前法餘當臨
證制宜

表

鶴膝風又名鼓兩大小腿瘦如蘆柴正有膝蓋大者
行履不得用小續命湯料內加草薢川練子獨活

乾木瓜咬阻不用生薑用水煎熬於碗底先放麝
香少許去滓傾放碗內服之服至數十貼後加五
積散同煎服永瘥一方用紫荆皮老酒煎候温
常服

羅氏蚘蚘丸 治鶴膝風腰膝風縮之疾

蚘蚘頭尾全者桃仁生白附子

阿魏 桂心 安息香桃仁同研

白芷各一兩乳香 沒藥各半錢半

用童便酒二升炒熱另處北漏盧 當歸

白芍藥 牛膝 羌活

雀膝風

地骨皮

威靈仙

各一兩
共為末

右煉蜜丸彈子大空心温酒化下一九胡楚望博
上病風痺手足指節皆如桃李痛不可忍服之悉
愈

丹溪治一丈人年七十患脚膝疼稍腫

生地黃

當歸頭

白芍藥

蒼朮

炒礞石各叁錢

川芎

桂各二錢

木通一錢半

分四貼煎取小盞食前熱服

一男子年近三十滋味素厚性多焦怒秋間髀樞左

右一點發痛延及於膝晝靜夜劇惡寒口或渴或不

渴或痞或不痞醫多用風藥兼用補血至次年春其

膝漸腫痛愈甚食漸減形瘦羸至春末膝腫如桃不

可屈伸診其脉左弦大頗實寸澁甚大率皆數知其

小便必數而短遂作飲食痰積在太陽陽明治之炒

黃檗壹兩生甘草稍犀角屑蒼朮鹽炒各叁錢川芎

貳錢陳皮牛膝木通芍藥各伍錢遇暄熱加條苓三

錢為細末每叁錢重與生薑自然汁同研細多少以

水盪起煎令沸帶熱食前飲之一晝夜四次與至半

月後數脉漸減痛漸輕去犀角加牛膝敗龜板半兩

本不 霍亂風

當歸半兩如前服又與半月腫漸減食漸進不惡寒
唯脚膝痠軟未能又立又行去蒼朮黃芩時當夏熟
加炒黃芩至壹兩半予依本方內加牛膝春夏用莖
葉冬用根杵取汁用之効尤速須斷酒肉濕麵胡椒
當仲夏加生地黃半兩冬加茱萸桂枝
換骨丹 通治風濕治鶴膝風

防風

牛膝

當歸

虎骨

酥炙各壹兩

枸杞

貳兩半

羌活

獨活

敗龜板

秦艽

草薢

松節

蠶沙

各壹兩

茄根

貳兩

蒼朮

肆兩

酒浸或酒糊丸皆可

脚筋急痛者煮木瓜令爛研作粥漿樣用裹痛處冷即
易一宿三五度執裹便差煮木瓜時入一半酒煮之

子和治嶺北李文卿病兩膝臏屈伸有聲剝剝然
或以爲骨鳴戴人曰非也骨不戛皆能鳴此筋濕也
濕則筋急緩者不鳴急者鳴也若用予之藥一涌一
泄上下去其水則自無聲矣文卿從之既而果然

補虛

州守張天澤左膝腫痛胸膈痞滿飲食少思時欲作
嘔頭暈痰壅日晡益倦此脾肺氣虛用葱熨法及六
君加炮薑諸證頓退飲食少進用補中益氣加蔓菁

藥部

在膝風

小五五

百二

子頭目清爽間與大防風湯十餘劑又用補中益氣
三十餘劑而消通府劉國威先筋攣骨痛右膝癢
腫用化痰消毒之劑腫痛益甚食少體倦加祛風精
毒等藥寒熱作嘔大便不實用二陳除濕之類腫起
色赤內痛如錐余診其脉滑數而無力此膿已成元
氣虛而不能潰也用十全大補湯四劑佐以大防風
湯一劑而潰又百餘劑而痊一儒者腿筋弛長月
餘兩膝腫痛此陰虛濕熱所乘也用六味丸為主佐
以八珍湯加牛膝杜仲間以補中益氣湯三月餘而
消一男子腿痛膝腫脉浮按之弦緊此肝腎虛

也用大防風湯二劑已退彼惑於附子有毒乃服治
瘡之藥日漸消瘦虛症漸至復求治余曰倦怠消瘦
脾胃衰而不能營運也小便不禁膀胱虛而不能約
制也燥熱虛痞胃氣弱而不能化也惚恍健忘精神
失而憤亂也惡證蜂集余辭之後果歿此症多患
于不足之人故以加減小續命大防風二湯有効若
用攻毒藥必悞一婦膝腫痛遇寒痛益甚月餘不
愈諸藥不應脉弦緊此寒邪深伏於內也用大防風
湯與火龍丹治之而消大抵此證雖云腫有淺深
感有輕重其所受皆因真氣虛弱而邪得以深襲故

卷之四

雜症

三

附骨癰疽及鶴膝風證腎虛者多有之前人用附子者以溫補腎氣而又能行藥勢散寒邪也亦有體虛之人秋夏露卧為冷氣所襲寒熱伏結多成此證不能轉動乍熱而無汗按之痛應骨者是也若經久不消極陰生陽寒化為熱而潰也若被賊風所甚傷患處不甚熱而洒漸惡寒不時汗出熨之痛少止須大防風湯火龍膏治之又有攣曲偏枯堅硬如石謂之石疽若熱緩積不潰肉色赤紫皮肉俱爛名緩疽其始末皆宜服前湯欲其驅散寒邪以補虛托裡也

大防風湯 治足三陰經虧損外邪乘虛患鶴膝風

或附骨疽腫痛或腫而不痛不問已潰未潰用三

五劑後更用調補之劑

附子 牛膝各壹錢 白朮 羌活

人參 防風各貳錢 川芎壹錢半 辣桂

黃芪 白芍藥 杜仲 熟地黄

甘草各伍分 右水煎服

還少丹 治足三陰經虛損患膝風等證又補脾腎

進飲食之良劑也

肉蓯蓉酒浸去甲 遠志甘草湯泡去骨

懷香炒 巴戟去心 枸杞子 山藥

秦耶 雀膝風 小斗四 百四

牛膝

石菖蒲

杜仲

熟地黄

為膏

五味子

白茯苓

楮實子

山茱萸

肉各等分

右為末用紅棗肉同蜜為丸梧子大每服柒拾丸
温酒下每日三服白湯亦可

經進地仙丹

換骨丹

二方並見雜病五卷

素寒膝伸不屈治其捷

骨空論下同經云輔骨上橫骨下為捷王注云髀輔骨上

橫骨下股外之中側立搖動取之筋動應手滑壽云捷骨之下為髀樞蓋捷骨兩骨相接處為捷也

坐而膝痛治其機

經云俠髓為機王注云髓骨兩傍骨為機機相接處滑壽云髓骨俠骨兩傍

骨為機機後為齒

立而暑解治其骸關

王注云暑熱也

膝痛起立而膝骨解中熱者治其骸關經云起而引膝骨解之中也滑壽云俠膝解中為骸

痛痛及拇指治其膈

經云輔上為膈王註云膈為膝解之後曲脚之中委中穴

坐而膝痛如物隱者治其關

經云膈上為關王註云關在膈上當捷之後

立按之動搖筋應手

膝痛不可屈伸治其臂內

王注云大

連筋若折治陽明中俞膠

王注云若膝痛不可屈伸連筋痛如折者則針陽明

穴中俞膠三里穴也

膝痛若別治巨陽少陽榮

王注云若痛而膝如別維

者則治足太陽榮通谷穴足少陰榮然谷穴也

淫灑脛痠不能立久治少

陽之維在外上五寸似痠痛而無力也外踝上五寸

光明穴也

右捷機骸關諸穴更參訂之

靈膝中痛取犢鼻以真利針之發而聞之針大如釐

泰邪 雀膝風

小年四

百五

虛火上升嘔吐不食者不治

○三里發

鬼遺云三里兩處起癰疽初發如牛眼睛青黑便五
七日破穴出黑血汁膿腫攻膀胱連腿裏拘急冷疼
此因傷筋氣勞力所成宜用湯藥注射其外毒自平
息矣

○接骨發

鬼遺云兩脚接骨近上膀胱下一處起丹疽如胡桃
大硬如物打磕之狀不苦疼但腫急脹慮其損筋亦
須早出膿毒可保平安也

○騙馬墜

鬼遺云垂珠左右兩處起癰為騙馬墜初起大小不
定此處微實皮肉薄紋緊口亦難合瘡初起宜以消
散藥貼令內消此處亦易成漏瘡唯宜消散之硬即
恐緩慢難為功矣又云交膈一處近稜線上亦為騙
馬墜防漏俗名跨馬

○青蛇便

或問足肚之下結塊長二三寸許寒熱大作飲食不
進何如曰此名青蛇便屬足少陰與足太陽經由腎
經虛損濕熱下注所致頭向上者難治頭向下者刺

出惡血服活命飲加木瓜牛膝黃蘗或烏金散紫金丹選用老弱之人嘔吐腹脹神昏脉躁者死青蛇便生小勝上下頭生望上攻走入腹者不可治頭生向下尾在上即為順可治也急服二十六味托裏散外用神方鐵箍散薑汁陳醋豬膽同調敷之上望下趕蛇頭上用三稜針針入二寸出黑紫血出針急下保生散用紙撚蘸藥送入

○瓜藤纏

或問足股生核數枚腫痛久之潰爛不已何如曰此名瓜藤纏屬足太陽經由臟腑濕熱流注下部所致

用防風通聖散加檳榔牛膝防已主之

○濕毒流注

或問足脛之間生瘡狀如牛眼或紫或黑膿水淋漓止處即潰爛久而不斂何如曰此名濕毒流注暴風疾雨寒濕暑氣侵入腠理而成宜服防風通聖散加木瓜牛膝防已之類或當歸拈痛湯加牛膝

○下注瘡

或問脚膝間膿水不絕連年不愈何如曰此名下注瘡亦名濕毒瘡因脾胃濕熱下注以致肌肉不仁而成瘡也在外屬足太陽少陽經在內屬足厥陰足太

陰經宜服防風通聖散加木瓜防已牛膝之類外用祛風等湯藥洗製女真葉貼之

○內踝疽

靈樞云發於內踝名曰走緩其狀癰色不變數石其輪而止其寒熱不死或問足內生疽何如曰此名鞋帶癰由寒濕滯於足陽明與足厥陰肝經血滯氣阻所致初宜隔蒜灸之服流氣飲加牛膝木瓜防已壯實者一粒金丹下之老弱者十全大補湯內托黃芪柴胡湯主之

○外踝疽

或問足外踝生疽何如曰此名脚拐毒屬少陽膽經足太陽膀胱經濕熱下注宜服內托羌活湯黃連消毒散內托復煎散選用勝金丹烏金散紫金丹皆可

○多骨疽 別見

或問足脛生疽既潰甚久而不愈腐爛出骨者何如曰此名多骨疽亦名剩骨又名朽骨蓋因毒氣壅盛結成此骨非正骨也宜服勝金丹十全大補湯加牛膝防已紫金丹烏金散人參養榮湯加木瓜牛膝防已相間服此疽因未潰之前補劑太過故結毒而不

散耳宜授仙紙黃龍膏貼之

○腓膈發

或問足小肚生疽寒熱煩躁何如曰此名腓膈發疽屬足少陰腎經由腎水不足積熱所致古方云不治宜活命飲加牛膝木瓜黃蘗老弱者八珍湯加牛膝壯實者一粒金丹下之沙虛者難治以腎氣丸十全大補湯主之潰出血膿者生潰出清水者死

○臙瘡

鬼遺云兩曲臙膈肚下內外兩踝前有廉乃兩邊為裏外廉上結癰腫此處近骨難瘡宜用收毒散外貼

四畔中心即用活血肉藥貼無害或問足內外臙

生瘡連年不巳何如曰此由濕熱下注瘀血凝滯於

經絡以致肌肉紫黑痒痛不時女人名為裙風禿口

瘡即臙瘡也最難克効蓋以裙扇地風濕盛故也宜

服獨活寄生湯防風通聖散加牛膝木瓜防巳外用

隔紙膏或製女貞葉貼之薛臙瘡生於兩臙初起

赤腫久而腐潰或浸淫搔痒破而膿水淋漓蓋因飲

食起居虧損肝腎或因陰火下流外邪相搏而致外

臙屬足三陽濕熱可治內臙屬足三陰虛熱難治若

初起惡寒壯熱腫焮作痛者屬濕熱用檳蘇敗毒散

若漫腫作痛或不腫不痛者屬陰虛用補陰八珍湯
若膿水淋漓體倦食少內熱口乾者屬脾虛用補中
益氣加茯苓酒炒白芍藥若午後熱或作痛頭目不
清者屬陰火前湯加酒炒黑黃藥及六味地黃丸若
午後發熱至子時方止是血虛前湯加芍歸熟地
若鬱結傷脾而甚用歸脾湯加柴胡山梔若怒動肝
火而甚用補中益氣湯加川芎山梔黃芩內熱口乾
肢體倦怠或痰涎上升或口舌生瘡屬脾腎虛熱用
六味地黃丸補中益氣湯若患處黑黯肢體畏寒飲
食少思或脾腎虛敗用八味丸若誤用攻伐復損胃

氣絕其化源治亦難矣 鴻臚翟少溪兩膝生瘡漸
至遍身發熱吐痰口燥咽乾盜汗心煩溺赤足熱日
晡益甚形體日瘦此腎經虛火也用六味丸不月諸
證悉退三月元氣平復 一男子左膝腫肉色如故
寒熱惡心飲食少思此脾氣不足而為外邪所感也
用六君加藿香桔梗川芎而寒熱止又用補中益氣
湯而腫痛消 陸懋誠素因陰虛過飲入房發熱腿
痛似膝瘡用發表之劑兩腿腫黯熱氣如霧欲發瘰
疔皆洪數兩尺尤大余曰屬足三陰虛酒濕所乘元
氣損而邪益甚耳用十全大補加山藥山茱萸附子

經不腫瘡

百七

一劑脉證頓退却去附子又二劑全愈 一男子先

患兩膝後及遍身生瘡似疥非疥時或膿水淋漓兩

腿為甚肢體倦怠作痒煩熱年餘不愈余作腎經虛

火用加減八味丸而痊

二妙丸 治下焦濕瘡但是下焦有潛行散末蒼末

末各等分煉蜜為丸桐子大

海黃芪丸方局 治兩膝脚膝生瘡服此立安

川烏頭炮去皮臍 川棟子 地龍去土炒

藜香炒 杜蒺藜刺炒去 赤小豆

防風去蘆 黃芪剉各壹兩 烏藥

右為細末酒煮麴糊為丸如桐子大每服拾伍丸

溫酒下鹽湯亦得婦人醋湯下並空心服

治臙瘡極妙地骨皮壹斤黃檗皮貳兩剉為粗末用

香油壹斤半煎濾過藥油六七兩入淨松香貳拾兩

黃丹貳兩同煎微黑色却入輕粉柒角光粉

貳角煎法皆如煎膏法用長條紙拖過掛乾用若瘡

紫黑先用三稜針去惡血以冷水洗淨隨瘡大小剪

膏藥掩上用絹帛紮緊俟一周時再換膏藥換時須

用冷水洗瘡不這數換不問新久即愈須忌日氣火

氣陽氣倘換膏藥再看如有黑腫未盡可再出血以

經下 瘡

百廿一

紫黑血蓋為度

治賺瘡用糯米泔漱口過洗瘡拭乾却以地骨皮為細末蜜調傅瘡上又以油紙縛之

丹治賺瘡

白膠香

黃礬

軟石膏另研各壹兩

青黛

龍骨各半

右為細末以香油調傅患處

又方用羯羊屎貳分石膏壹分赤石脂半分為細末香油和之舊黑油傘紙作隔膏縛之除根

雜翠玉膏治賺瘡

瀝青

壹兩

黃蠟

銅綠

各貳錢

沒藥

乳香

各壹錢

右件先將銅綠為細末入香油調勻又將黃蠟瀝青火上溶開次下油銅綠火上攪勻將沒藥等二味旋旋入攪勻用河水壹碗將藥傾在內用手扯拔勻油紙裹看瘡大小分大小塊口嚼捻成餅子貼於瘡上紙封三日易之

丹賺瘡用砂糖水煮冬青葉三五沸撈起石壓乾將

葉貼在瘡口上一日換二遍脚痛成瘡水蓼煎湯

洗瘡候乾自安

洗瘡候乾自安

洗瘡候乾自安

洗瘡候乾自安

山廉瘡用韭汁洗淨拭乾刺虎骨傅上

乳香散郭氏治諸疔浸蝕日久不愈下注臙瘡肉外

踝生瘡頑疥等證

枯礬

白膠香

赤石脂各半

黃丹

乳香

沒藥各叁錢

輕粉貳錢

右為細末加麝此小如瘡濕乾上乾則香油調敷

輕粉散郭氏治下注疔瘡蝕鼻腐爛疼痛不可忍者

黃礬蜜炙

蜜陀僧

黃丹

高末茶

乳香各叁錢

輕粉壹錢半

麝香少許

右為末用葱湯洗瘡次貼此藥兼治小兒疔瘡

治臙瘡方

鼠糞

苦參

桃枝

杉樹刺

柳枝

松枝

麪醬

雞子殼

阜角

雀糞

芍藥

木綿子

芝麻

桑枝

蛇殼

鍋底煤

杜當歸鬚各肆錢

松明不拘多少

右為細末先將松明搗碎和諸藥於瓦銚中掘地坑將藥銚安坑中四圍用火熬鎔取出再研令

經下

小

重

白傳瘡自然痊可忌一切發氣熱物

隔紙膏 治內外廉瘡

當歸 白芷 黃連 五倍子

雄黃 沒藥 血竭 海螵蛸

白芨 白欬 黃燐 厚朴已上各半兩

黃丹陸錢 乳香研貳錢半 輕粉壹錢

右為細末研勻用清油調成膏用油紙貼藥傳瘡
上絹帛縛定有膿水解开刮去不潔再貼藥如此
數次即愈須先用燒鹽湯洗淨片帛拭乾待片時
水氣乾然後貼藥

治廉瘡久不愈

龍骨貳錢半 輕粉少許 檳榔半兩 乳香

沒藥各壹錢 乾豬糞半兩燒存性

右為細末先以燒鹽湯洗瘡以軟絹帛拭乾清油
調傳瘡濕則乾擦之

治廉瘡下注

白石脂 龍骨各半兩 白礬壹兩 五倍子貳兩燒存性

黃丹陸錢 雄黃少許

右為細末先將葱鹽湯洗瘡見赤肉然後將前藥
傳瘡上用藥如法厚者却用帛子包縛者不要動

直候乾自脫去瘡皮

治廉瘡

黃丹

輕粉

白芨

樟腦

敗船灰各等分

右研細末以桐油調成膏攤在油紙袋內先煎溫葱湯洗淨以帛拭乾將藥置瘡上禁住用了一面番轉如前洗貼一方無輕粉若用糞船灰亦妙

治廉瘡方

詹武子年三十時曾患此用之屢効

白芨

白欵

黃藥

黃丹

另研各等分

右為極細末入輕粉些少研勻以煉蜜和成劑捏

作餅貼瘡上深者填滿以帛片包紮一日一換後來瘡漸乾或有裂處只須乾摻以瘡為度

治血注脚

桑樹菰

牛屎菰

又名石灰菰生地上如有石成塊者碎其中有灰起

肥株樹菰

胎髮

男用男女用女參箇

右將三菰焙乾各伍錢胎髮燒灰存性參錢並為細末研勻濕則乾摻乾則清麻油調塗

治廉瘡方

冬青葉

臘豬膽

百草霜

貳味和勻

右將冬青葉與本人嚼爛先以葱椒湯洗淨瘡口

以膽霜傳後却傳嚼葉在上三四次即可

奇妙梔子散 治遠年日久內外臙瘡

山梔子 不拘多少燒作灰研為細末

乳香 另研各半錢

輕粉 少許

右研勻以磁器盛每用時先以蔥白花椒煎湯洗淨瘡稍歇再以溫漿水又洗一次候惡水去盡再將白水煎百沸候溫再洗但瘡口無膿水血絲清水各盡又用粉帛片拭乾然後傳藥如乾者香油調傳濕者乾搽但將瘡口實滿軟絹帛護之堅硬不作膿者未可用腫如軟有膿者依前法再洗後

傳貼之三二次即愈乃一藥一洗之功也

治廉瘡方 先以蔥白漿水熬湯洗淨瘡口拭乾徐

以輕粉末搽上瘡口却用五靈脂黃蘗各等分碾

細末涼水調敷瘡上紙蓋定三五次即平復

風腎臟風屬腎虛風邪乘於廉瘡以致皮膚如癬或漸

延上腿久則延及遍身外證則搔痒成瘡膿水淋漓

眼目昏花內證則口燥舌乾腰腿倦怠吐痰發熱盜

汗體疲治法用六味丸為主佐以四生散若脾胃虛

弱者用補中益氣為主佐以六味丸四生散為善

天薛香薷六一有二兩廉患之膿水淋漓發熱吐

痰四年矣此腎臟風證也與六味丸四生散而瘥年
餘復作延及遍身日晡益甚痰渴盜汗唇舌生瘡兩
目昏赤皆腎經虛火而水汎為痰用加減八味丸而
愈三年後小便淋漓莖中瀉痛此思色精不出而內
敗也用前丸及補中益氣湯加麥門五味而愈
浴男子兩足瘙痒生瘡連年累月俗為腎風瘡宜服
此藥

- 黃芪 各半兩
- 獨活 羌活
- 木香 防風
- 白附子 各貳錢半
- 白蒺藜 壹兩 去刺

右為細末煉蜜和丸如梧子大每服參拾九空心
鹽湯送下仍以後方藥傳之

- 檳榔 木香 防風
- 白芷 各貳錢
- 白芨 壹錢
- 龍骨 伍分 煨

- 麝香 壹字 另研
- 蛇退 壹條 燒灰
- 膩粉 拾伍筒

右為細末研勻先以鱧魚壹條槌碎百部壹兩切
碎南椒叁銖油壹兩煎令得所去藥只以油擦瘡
口却傳末藥上以油紙裹之三日一換每上藥時
先用柳枝甘草煎湯洗瘡淨拭乾傳藥

鹽蹄散 治腎臟風毒下注生瘡

驢蹄貳拾片

蜜陀僧貳錢

輕粉壹錢

麝香半錢

右研細末以帛拭去膿用些少乾摻日三四次瘥

○風疔

凡脚脰及曲脚中癢搔則黃汁出各風疔治之方

以青竹筒壹枚徑壹寸半長叁尺當中著大豆壹

升以糠馬屎二物燒為灰當竹筒中燒之以器承

兩頭取汁先以泔清和鹽熬熟洗瘡了即塗豆汁不

過三度極効

又方 嚼胡麻傳以綿裹之日一易神良

防風湯 治風毒中人留血脉不散與榮衛相搏結

成風疽身體煩執昏冒腫痛

防風去叉 柴胡去苗

木通剉 當歸切焙 白芷

麻黃去根節煎 附子炮去 羌活去蓋

甘草炙各壹兩 桔梗炒

右剉如麻豆大每服伍錢水壹盞半煎至捌分去滓食後臨卧各一服如欲出汗空心併兩服後以執薑稀粥投蓋覆取汗慎外風

海桐皮散浸酒方 治熱毒風結成疽腫痛不得安

經部 腫瘡

海桐皮

五加皮 各剉

獨活 去蘊

薏苡仁 炒

防風 去叉

乾蝎 炒

杜仲 去粗皮

牛膝 去苗酒浸

生地黄 焙參

右咬咀生絹囊貯以好酒壹斗伍升浸籠瓶中密封秋夏三日春冬七日取食煎溫酒參合或肆伍合不拘時甚者常氣相續

當歸 去蘊

羌活 去蘊

白芷

獨活 去蘊

白芷

丸風底... 以... 藥... 去... 備

丸風底... 以... 藥... 去... 備

八足部 十八

○脚發

靈樞云發於足上下名曰四淫其狀大癰不急治之

百日死發於足傍名曰厲癰其狀不失初從小指

發急治去之其狀黑者不可消輒益不治百日死

薛脚發之證屬足三陰經精血虧損或足三陽經濕

熱下注若色赤腫痛而潰膿者屬濕熱下注為可治

若色微赤微腫而膿清者屬精血虧損為難治若黑

黯不腫痛不潰膿煩熱作渴小便淋瀝者陰敗未傳

惡證也為不治其法濕熱下注者先用隔蒜灸活命

足部 腫毒

外科切

百廿

飲以解壅毒次服益氣湯六味丸以補精氣若色黯
不痛者着肉灸桑枝灸以行壅滯助陽氣更用十全
大補湯八味丸壯脾胃滋化源多有復生者若專治
其瘡復傷元氣吾未見其生者 閣老靳介菴脚指
縫作痒出水腫焮脚面敷止痒之藥不應服除濕之
劑益甚余以為陰虛濕熱下注用六味地黄丸補中
益氣湯愈 大參李北溪左足赤腫作痛此足三陽
經濕熱下注先用隔蒜灸活命散一劑其痛頓止灸
患處出水赤腫頓消次用托裏消毒散四劑灸患處
出膿而愈 儒者楊舉元患此微腫痛微赤焮此足

三陰經陰虛濕熱下注用隔蒜灸托裏散而起發用
十全大補湯而膿成又與加減八味丸料百劑而斂
一儒者患此腫硬色白兩月餘矣此足三陰經虧
損為外寒所侵用大防風湯及十全大補兼服而消
後場屋不利飲食勞倦前症復作盜汗內熱飲食不
化便滑肌瘦此脾土虛寒而命門火不能相生用八
味丸益氣湯百餘劑喜其年壯得愈 一男子脚心
發熱作渴引飲或用四物等連黃檗知母葶腹痛作
嘔煩熱大渴此足三陰虧損前藥復傷脾胃也先用
六君加炮薑數劑而脾胃醒再用補中益氣加茯苓

此下 補發

十一

五十一

滾湯

半夏而脾胃健乃以加減八味丸兼服半載而愈
一儒者脚心發熱作痒以滾湯浸漬漬而出水肌體
骨立作渴吐痰此脾腎虛而水泛為痰也服益氣湯
六味丸年餘元氣復而諸證愈 少宗伯顧東江面
蠶作渴余曰此腎經虧損當滋化源以杜後患彼雖
歿之而終不服次年九月內左足面患疽色黯不痛
脚腿沉重用隔蒜灸三十餘壯足腿即輕瘡出血水
數日而消瘡色仍黯時公將北行賀 萬壽余診之
曰脾脉衰憊陽氣虛極不宜遠行公曰余得夢屢驗
向夢羣仙待我此壽徵也至河間驛聚仙堂病篤歎

曰立齋豈能留我果卒於此亦異數也

○脫疽

靈樞云發於足指名曰脫癰其狀赤黑者死不治不
赤黑者不死治之不衰急斬之否則死矣 鬼遺云
癰敦疽發兩足指五日不穴死四日可刺其色發黑
癰者不堪未過節者可治 足指生疔重者潰而自
脫故曰脫疽或曰惟足大指患之為脫疽其餘足指
患之曰敦疽易治惟脫疽難治 初發結毒焮赤腫
痛者以五神散及以紫河車金線鈎葫蘆金雞古金
腦香搗爛敷及以汁塗傳又以萬病解毒丸磨醋煖

脫疽

小引

百七

塗之 未成 焮痛者除濕攻毒更以隔蒜灸之至不
痛用十二經消毒散加引經藥若腫勢盛未得緊急
者宜作蛇傷治之及作瘴氣治之效 未成 焮痛或
不痛或大痛者宜隔蒜灸更用解毒以消毒萬全湯
臨證加減 未成若色黑急割去速服補劑庶可救
若黑涎上不可治 未成若色赤焮痛者托裏消毒
更煎灸以人參敗毒散去粘梗加赤牛膝銀花白芷
大黃痛止次以十宣散加天花粉金銀花赤牛膝
未成欲成若色紫不痛隔蒜灸五十壯尚不知痛又
明灸之 活命飲次以托裏散潰脫而愈 未成欲

成大痛色赤而腫隔蒜灸至痛止以加味荆芥敗毒
散加赤牛膝銀花白芷大黃次以活命飲 薛脫疽
因醇酒炙燥膏梁傷脾或房勞損腎故有先渴而後
患者有先患而後渴者若色赤作痛自潰者可治色
黑不潰者不治色赤作痛者元氣虛而濕毒壅盛也
先用隔蒜灸活命飲托裏散再用十全大補湯加減
八味丸色黯不痛者腎氣敗而虛火盛也隔蒜灸灸
枝灸亦用十全大補湯加減八味丸則毒氣不致上
浸元氣不致虧損庶可保生亦有因修手足口咬等
傷而致者若元氣虛弱或犯房事外塗寒涼內服尅

伐損傷脾胃患處不潰若黑黯上延亦多致死重者
須當以刀轉解周界輕拽去之則筋隨骨出而毒
得洩亦不痛否則毒筋內斷雖去而仍潰且偏僻之
處氣血穿到藥難導達况攻毒之劑先傷脾胃不若
灸法為良重者須解去為善故孫真人云在肉則割
在指則截蓋親之遺體雖不忍傷而遂至天歿則尤
傷矣况解法無痛患者知之 一人足指患此焮痛
色赤發熱隔蒜灸之更以人參敗毒散去桔梗加金
銀花白芷大黃一劑痛止又十宣散去桔梗宿桂加
天花粉數劑而平 一人年逾四十左足大指赤痛

焮痛此脾經積毒下注而然名曰脫疽喜色赤而癰
以人參敗毒散去人參桔梗加金銀花白芷大黃二
劑更以金銀花甘草節瓜萋四劑頓退再以十宣散
去桔梗桂加金銀花防已數劑愈 一人患此色紫
赤不痛隔蒜灸五十餘壯尚不痛又明灸百壯方知
乃以敗毒散加金銀花白芷數劑而愈 一膏梁年
逾五十亦患此色紫黑脚焮痛孫真人曰脫疽之證
急斬之去毒延腹必不治色黑不痛者亦不治喜其
飲食如故動息自寧為瘡善證遂以連翹敗毒散六
劑更以金銀花甘草節瓜萋二十餘劑患指潰脫更

足部脫疽

小十口

行

以芎歸生艾連翹金銀花白芷二十餘劑而愈次年
忽發渴服生津等藥愈甚服八味丸而止大抵此
症皆由膏粱厚味或房勞太過丹石補藥所致其發
于指微赤而痛可治治之不愈急斬去之庶可保否
則不治色紫黑或發于脚背亦不治或先渴而後發
或先發而後渴色紫赤不痛此精氣已竭決不可治
一芻蕘左足指患一泡麻木色赤次日指黑五日
連足黑冷不知疼痛脉沉細此脾胃受毒所致進飛
龍奪命丹一服翌日令割去足上死黑肉割後骨始
痛可救治以十全大補湯而愈蓋死肉乃毒氣盛拒

截榮氣所致况至陰之下血氣難達經云風淫末疾
是也向若攻伐之則邪氣乘虛上侵必不救矣一
人足指患之大痛色赤而腫隔蒜灸之痛止以人參
敗毒散去桔梗加金銀花白芷大黃而潰更以仙方
活命飲而痊一人足指患之色黑不痛令明灸三
十餘壯而痛喜飲食如常予謂急割去之速服補劑
彼不信果延上遂致不救一人足指患之色紫不
痛隔蒜灸五十餘壯尚不知痛又明灸百壯始痛更
投仙方活命飲四劑乃以托裏藥潰脫而愈一人
足指患之色赤嫩痛作渴隔蒜灸數壯以仙方活命

飲三劑而潰更服托裏藥及加減八味丸潰脫而愈
若早用煎法不至於此 一膏梁之人先作渴足熱
後足大指赤痛六脉洪數而無力左尺為甚余謂此
是三陰虛當滋化源為主固服除濕敗毒等藥元氣
益虛色黯延足余乃朝用補中益氣湯夕用補陰八
珍湯各三十餘劑及桑枝灸潰而膿清作湯來止遂
朝以前湯送加減八味丸夕用十全大補湯三十餘
劑而痊是時同患此證服敗毒之藥者俱不救

附方

五神散 搽一切瘡毒蛇傷蝎螫大效

金線釣胡蘆

紫河車

各壹錢

續隨子

去殼

雄黃

各壹錢

麝香

少許

右末醋調塗患處蛇傷以刀割去損肉以末乾搽

或以唾調搽或加騎蛇獅子根葉同煎搗用亦妙

洗瘡方

水苦薺

槐枝葉

柳枝葉

嫩柏葉

小青葉

連又大青

右煎水浸洗

○脚氣瘡

夫腎主於脚若腎虛為風濕所搏攻於脚膝則名脚

足部脚氣瘡

外科

百六

氣因其氣血壅滯濕毒氣盛在於膚腠不得宣通
故令脚上生瘡也若風毒不散其瘡漸增黃水腫
痛身體壯熱經久難差也

犀角散 治脚氣風毒生瘡腫痛心神煩熱

犀角屑

天麻

羌活 去蘆

枳殼 麩炒 去穢

防風

黃芪 各去蘆

白蒺藜

黃芩

白鮮皮 各去蘆 錢半

檳榔 壹兩

甘艸 炙半兩

烏蛇 貳兩 酒浸

右咬咀每服捌錢以水壹中盞半生薑伍片煎至壹大盞去香溫服不拘時

漏蘆丸 治脚氣腫盛生瘡久不差膿血長流疼流

漏蘆

秦艸 各去蘆

歲蕤

枳殼 去穢 麩炒

檳榔

川大黃 各壹兩

防風

獨活

黃芪 各去蘆

黃芩

五加皮

赤芍藥 各柒錢

烏蛇 貳兩 酒浸

右為細末煉蜜和搗二三百下丸如梧子大每服參肆拾丸溫酒送下不拘時

鹿茸丸 治脚氣腿腕生瘡

鹿茸 酥炙另搗成泥

五味子

當歸 去蘆二味為末

尾節

脚氣毒

小科四

百七

熟地黄 搗膏

右等分酒糊和丸梧子大每服參肆拾丸温酒或鹽湯食前下次服後方

又方

川芎

當歸 去蘆各等分

右為細末每服貳錢煎荆芥湯調下食後空心日進二服

治脚氣脚上生風毒瘡腫疼痛

漏蘆

白欬

槐白皮

五加皮

甘草 各柒錢半

蒺藜子 貳兩

右為吹咀每用伍兩水壹斗煮取陸升去滓看冷

熱於無風處淋洗之

龍骨散 治脚爛瘡

竹蛙屑

龍燒灰

紅棗 燒存性

黃丹

白礬 枯

韶粉

各等分為細末摻之

龍骨散 治脚疽并久遠惡瘡他藥無効者

白龍骨 半錢

輕粉 錢

檳榔 壹錢研

續豬糞 不以多少新瓦上焙乾入火中燒

右研令勻先以口含齋水或温鹽湯洗令瘡淨見

足部

甲疽

疥癩

百八

肉却以真麻油調藥塗之大小傳之未愈再傳三五日可

○甲疽 兼甲

足三陰經皆起於足指氣血沮而不行結於指甲之間能成甲疽凡以經絡之所流注非特肌肉之病也或得於剪甲傷肌或得於甲長侵肉或得於履絢之不適使氣血沮遏而不通腐潰為疽久則爛指上引於脛膝之間而瘡痂者是已然病在四末不必治其內惟滌傳滌濯去惡而除穢及適其行履則愈矣按足指在人體最下氣血易沮藥力難到虛弱之人

小有破損即成瘡瘍久而不斂况其大者非大補氣血豈能易愈此云病在四末不必治內非通論也一婦修甲傷次指成膿不潰熾痛至手誤敷冷藥以致通潰飲食少思彼為毒氣內攻胗脉沉細此痛傷胃氣而然遂刺之服六君子加藿香當歸食進更以八珍湯加黃芪白芷桔梗月餘而愈一人傷拇指色紫不痛服托裏藥及灸五十餘壯作痛潰膿而愈一幼女因凍傷兩足至春發潰指俱壞令收之服大補藥而愈一女患嵌甲傷指年餘不愈且出膿數滴予謂是大指乃脾經發源之所宜灸患處使瘀

足部甲疽

小指口

百廿七

肉去湯氣至瘡口自合否則不治彼忽之不早治後
變勞症而歿 蓋至陰之下血氣難到女人患此多
因紮縛致血脈不通或被風邪所襲則無血氣榮養
遂成死肉惟當壯脾胃行經絡生血氣則愈有成破
傷風以致牙關緊急口眼喎斜者先玉真散一二服
後投以生血通經則可 一男子修傷足指色黑不
痛而欲脫余曰此因陽氣虛不能運達於患處也急
去之速服補劑以壯元氣否則死肉延足必不救矣
不信果黑爛上脛而歿大抵手足氣血竿到之地或
生瘡或傷損若戕其元氣邪氣愈甚潰爛延上必歿
不潰而色黯者亦死若骨斷筋皮尚連者急剪去之
精要治甲疽因剔甲傷肌或因甲長侵肉遂成瘡腫
痛復緣穿窄靴研損四邊腫焮黃水出浸淫相染五
指俱爛漸漸引上脚踏泡漿四邊起如火燒瘡 日
夜倍增醫方所不能療者用綠礬伍兩形色似朴硝
而綠色置於鐵板上聚炭封之吹令火熾其礬即沸
流出色赤如鎔金汁者是真也候沸定汁盡去火待
冷取出研細色似黃丹收之先以鹽湯洗瘡帛裹乾
用此末傅之愈

聖惠蝦蟇散

治甲疽皮厚腫痛

蝦蟆灰 半兩 黃連 研末 膩粉 各半分

麝香 研 雄黃 研 枯白礬 研各半錢

杏仁 米粒熬黑 研如泥 鹿角 米寸燒透 細研末 蚬蛇膽 半錢

右相和研勻以臘豬脂調如膏先以甘草蛇床槐

白皮煎湯洗瘡拭乾傅藥以油單紙裹外更着綿

帛裹之三日其剩肉剩甲皆當自落三日一換

豬蹄湯 治甲疽及諸癰疽惡瘡有息肉

豬蹄 生者 壹隻 白欬 白芷

狼牙 芍藥 各叁兩 黃連

黃芩 大黃 獨活 各貳兩

右咬咀先以水叁斗煮豬蹄至壹斗伍升去蹄入

藥更煮至伍升候溫洗瘡日三次

白礬散 治男女血風毒氣攻手足指生甲疽瘡久

不瘥者努肉裹甲疼痛出血不定用此縮肉乾瘡

白礬 石膽 各半兩 麝香

騏驎竭 朱紅 各壹分

右將白礬石膽於鐵器內以炭火煨過入後三味

同研令細每用少許乾摻瘡上以帛子纏定日兩

三度換之

白礬散 治甲疽

足部 甲疽 外科

白礬 燒灰

麝香

蘆薈

蚺蛇膽 各一分

先以漿水洗瘡乾傳之洗瘡日三兩上以差為度

馬齒散 治甲疽

墙上馬齒莧 陰乾壹兩

木香

丹砂 研細

鹽 研細炙 各五分錢半

右除丹砂鹽外剉碎拌勻於熨斗內以皮灰火燒過取出細研即以丹砂鹽末再炒勻旋取傳瘡上日三兩度

藺茹膏 治甲疽日夜培增赤肉生甲邊裏甲者

藺茹

黃芪 各貳兩

豬脂

右咬咀苦酒浸一宿與豬脂一處微火上煎取三合絞去粗以塗瘡上日三兩度其赤肉即消散

綠礬散 治甲疽

綠礬 半兩 燒熟

蘆薈 貳錢半

麝香 壹字各 研如粉

右絹袋盛藥納所患處指袋中綿紮定差為度

蛇黃散 治甲疽腫爛生脚指甲邊赤肉努出時

差時發又治嵌甲生入肉常血疼痛

雄黃 干兩

蛇蛻皮 壹分

右同研如粉先以溫泔洗瘡上軟以尖刀子割去

足下甲疽

小斗

百十二

甲角拭乾藥傳上用軟帛裹半日許藥温即易一日即除痛便止一方用漿水洗淨以橘刺破一方有黃芪無雄黃

乳香傳方 治甲疽努肉裹甲膿血疼痛不差

乳香

膽礬

各等分

右研細時時傳之 大凡此疾須是剔去甲不藥亦愈或已成瘡久不差即用此方一方二味燒灰為末傳之一方用礬燒灰傳瘡

牡蠣散 治甲疽

右用牡蠣頭煨研末每服貳錢研龍花酒調下

日三服

烏梅散 治甲疽多年不差努肉膿血疼痛

右用烏梅拾枚燒灰研為散傳瘡上日三易一方用鹽梅燒灰傳爛搗裹亦可

丹嵌甲陷甲割甲成瘡久年不差者用黃礬烏頭尖等分為末洗淨貼之

華佗治嵌甲累効方

硃砂

乳香

並研 各壹錢

膩粉

半錢

橄欖核

燒存性 參枚

黃丹

壹字

右為末以生麻油調先以鹽湯洗淨挹乾傳之二

足下

嵌甲

小斗四

再三

次効

砂糖方 治嵌甲

右用琥珀糖是砂糖熬成小毬兒者燒存性入輕粉麝香麻油傳指甲嵌入肉者不過一兩日自爛陳仲山寺丞方云治嵌甲別生好者不病者無所損神効

乳沒散 治嵌甲

用紫馬糞三塊各青布一片包了於新瓦上炭火煨存性研細末每半兩入沒藥拾文輕粉拾文麝香少許先以蔥椒湯洗拭乾口含甘草漿水吐在

瘡上再洗拭淨傳藥濕者乾擦乾者生油調塗初貼一夜極痛不過三次即去根本昔有人患此二十五年百藥不効一傳而安

烏倍散 治嵌甲

草烏頭 半兩 白牽牛 壹兩 五倍子 肆兩

龍骨 貳錢半

右先將三物搥碎同炒五倍子令焦黑色去三物不用只取五倍子為末瘡乾用麻油調塗濕即乾貼

黃連散 治嵌甲

黃連

韶粉

黃檗

軟石膏

各等分

右為細末用水洗瘡令淨軟帛搥乾以新汲水調塗瘡上兩日一易妙

香胭脂散

白一名麝香散

治嵌甲侵肉不差

五倍子

燒黑

染胭脂

各等分

麝香 少許

右研細末

用五倍子生亦得

雄蟬散

治嵌甲

雄黃

通明者

蟬退

各為細末

右研和勻濕者乾搽乾者用津入輕粉少許調塗

陀僧散

治割甲侵肉不差

白礬

飛過

蜜陀僧

各等分

右為末乾搽不定一片帛裹之亦治脚臭一方用

罽砂不用陀僧搽裹之

黃芪方

治陷甲生入肉常有血疼痛

黃芪

當歸

各等分

右為末貼瘡上若有惡肉更研少許硫黃末同貼

蓋水駐車丸

治嵌甲膿出痛不可忍

右蓋水口

淨洗却用駐車丸研細傳之

方見雜病滯下

又方

治嵌甲用乳香研細搽之

卷甲

小

斗

百

又方 治欲去甲者用綿逐旋摺入甲內漸添之報
起次用剪子去之

治嵌甲 以鴉嘴膽礬為末搽之

乳香散 治嵌甲痛不可忍有妨步履

紫藤香 半兩 乳香 半錢 古半兩錢 半錢

麝香當門子 少許

右為末細絹羅過每用少許先以甘草湯洗患處

用舊絹把乾然後傳藥即以燈草塞之

訶子散 治嵌甲流膿經久不差

訶子 貳枚 降真香 青黛 各壹錢 研

五倍子 半兩

右為末次入青黛一處研勻先用葱鹽湯洗淨剪

去指甲用藥乾貼縫內或用麻油調傳

膽礬散 治嵌甲

膽礬 壹兩 麝香 壹字二味 同研細

右先以葱鹽湯洗淨患處把乾傳藥少許

神應散 治足大指角急為甲所入肉便刺作瘡不

可着靴履脚指濕爛婦人有此

右白礬燒汁盡取末着瘡中食惡肉生好肉細細

割去甲角旬日即差加雄黃少許同研摻之

○脚指縫爛瘡

治脚指縫爛瘡鷲掌皮燒灰存性為末傅之桐油塗亦妙

○足跗發

鬼遺云陽疽起足趺及足下二十日不愈死十日可刺發赤白膿血不多其瘡上痒及赤黑者死跗亦作趺足面也其處結毒腫痛亦名足發背屬足厥陰肝陽明胃經之會多因濕熱乘虛而下注宜服活命飲加木瓜肉桂牛膝及隔蒜灸之繼以十全大補湯托裏溫中湯膿稠可治膿清紫陷者死一人脚背患此赤腫作痛隔蒜灸三十餘壯痛止以活命飲四

劑而潰更以托裏消毒藥而愈一人脚背患之

黯而不腫痛煩躁大渴尺脉大而澁此精氣已絕不

治後沒趙子固母劉氏年六十左足面一瘡下連

大指上延外踝以至膈骨每歲輒數發發必兼旬累

月昏暮痒甚抓搔移時出血如泉流呻吟痛楚殆不

可忍夜分即漸已明日復然每一更藥則瘡轉大而

劇百試不驗如是二十餘年淳熙甲辰仲冬之末先

生為太府丞一夕母病大作相對悲泣無計困極就

睡夢四神僧默出一室傍有一長榻子固亦坐因而

發嘆一僧問其故子固荅之以實僧云可服牛黃金

足即足跗發

小十

一三

虎丹又一僧云硃砂亦可既覺頗驚異試取藥半粒強服之良久大痛舉家相泣且悔俄而下礪魄物如鐵石者數升是夕瘡但微痒不痛而無血數日成痂自此遂愈硃砂之說竟不復試先生因圖僧像如所夢者而記其事金虎丹出和劑局方本治中風痰涎壅塞所用牛黃龍腦賦粉金箔之類皆非老人所宜今乃取奇効意熱積臟腑而發於皮膚歲久根深未易洗滌故假涼劑以攻之不可以常論神僧之夢蓋孝感云

牛黃金虎丹

牛黃 研貳兩半

龍腦 生研伍兩

賦粉 研貳拾伍兩

雄黃 研飛壹百伍拾兩

白礬 枯過貳拾伍兩

金箔 捌拾片為衣

天雄 炮去皮臍研拾貳兩半

天竺黃 研貳拾伍兩

天南星 湯洗焙貳拾伍兩研末用牛膽汁和作餅陰乾無牛膽用法酒蒸柒晝夜研

為細末煉蜜搜和每壹兩半作拾丸以金箔為衣

每服壹丸新汲水化下有孕婦不可服

牛膝散 治足智蚤背

雞屎子

詐死子

兩面龜

赤牛膝

紫金皮

山蜈蚣

凌霄根

脫殼藤

赤葛根

天布瓜根

背子蜈蚣

右水煎入酒和服

敷藥方

天蕎麥

鹿葱根

紫金皮

山布瓜

凌霄根

藜蘆子

天南星

赤葛根

雞屎子

苦薄荷

天布瓜

背子蜈蚣

右砍爛入些醋暖塗敷

又方

地燈心砍爛縛之

又方

金雞舌砍爛縛之

又方

臭藤天布瓜根砍爛酒炒敷之

又方

紫鼈蘇橘酒服以查敷患處

百草膏

治脚面惡瘡如桐油浸淫延漫及治一切

惡瘡不問乾濕痛痒日近年深百藥不瘥者

右用羊糞貳叁拾粒留瓦上四畔炭火燒烟住火

筋鉗干地上以盞覆存性羅成白灰研細以紗片

篩去沙土麻油調敷痒入輕粉痛入麝香少許效

○足跟疽

或問足跟生疽何如曰是名兔齧以其狀若兔齧故

以為名屬足太陽經穴名申脉在足跟骨下此處乃

足跟疽

下

下

陰陽二蹻發源之所由藏府積熱所致其毒深重最
忌毒藥敷貼宜隔蒜灸之及服活命飲加牛膝肉桂
或勝金丹烏金散紫金丹選用若紫陷麻木神昏脉
亂者不治過時潰爛者有妨飲食二便不調或涉房
勞怒氣迷悶者死 薛足跟乃督脉發源之所腎經
所過之地若飲食失節起居失宜虧損足三陽經則
成瘡矣若漫腫寒熱或體倦少食屬脾虛下陷也用
補中益氣湯若疔熱作痛頭目不清屬脾虛陰火也
前湯并六味丸若痰涎上升或口舌生瘡屬腎水乾
涸也前湯并加減八味丸凡此皆當滋其化源若治

其外則誤矣俗云兔啣瘡者蓋獵人被兔咬足跟
而不斂氣血瀝盡而死 大尹陳汝鄰兩腿酸軟或
赤或白足跟患腫或痛或痒後痛而或如無皮忽如
皴裂日晡至夜脹痛焮熱用補中益氣湯加八味丸
料補其肝腎而愈 一男子足跟作痛熱渴體倦小
便如淋誤用敗毒散致頭痛惡寒欲嘔不食吐痰咳
嗽此足三陰虧損而樂復傷余用十全大補湯加減
八味丸各五十餘劑而愈 一男子素不慎起居內
熱引飲作渴體倦兩足發熱後足跟作痛或用清熱
除濕之劑更加發睡又服敗毒之藥焮赤痛甚恪用

足下足跟痛

小

百

祛毒清熱消瘰瘻瘰張狀如赤榴熱痛如錐內熱瞞熱
此因足三陰虧損朝用十全大補湯夕用加減八味
丸外敷當歸膏兩月餘而愈其服消毒散搽追蝕藥虛
不能枚舉 一男子亦患此服消毒散搽追蝕藥虛
症疊出其形體骨立自必死余用十全大補加山
茱山藥兩月餘而愈 一膏梁之人兩脚發熱作渴
左尺脉數而無力余謂此足三陰虧損防患疽不信
反服清熱化痰之藥更加瞞熱頭暈又服四物黃蘗
知母日瞞熱甚飲食漸少脚小面發紅余用補中益
氣六味地黃丸百餘服而愈其不信患疽以致不起

者多矣 一人脚跟生毒如豆許痛甚狀似傷寒以
還少丹內塞散治之稍可次因納龍作痛及服攻毒
藥致血氣弱腿膝軟痿而死蓋足跟乃二蹻發源之
處腎經所出之地瘡口不合則蹻氣不能發生腎氣
由此而泄故為終身之疾况彼瘡先得于虛復不知
戒雖大補氣血猶恐不及安服攻毒暴悍之藥以戕
賊乎
海藏云足跟瘡久不愈毒氣攻注用白朮一味為細
末先以鹽漿水溫洗乾貼之二日一換可以負重涉
險

足下足跟疽

百五

婦人

婦人足跟足指腫痛足心發熱者皆因胎產經行失於調攝虧損足三陰虛熱所致若腫痛或出膿用六味丸為主佐以八珍湯胃虛懶食佐以六君子湯寒熱內熱佐以逍遙散肺熱益甚頭目不清佐以補中益氣湯痰厥作渴或口舌生瘡亦用前一藥以滋化源大凡發熱肺熱內熱自汗盜汗等證皆陰虛假熱也故丹溪謂火起九泉陰虛之極也男子酒色過度者多患此證一婦人素血虛因大勞兩足發熱肺熱月經過期或用四物本連飲食少思胸痞吐痰用二陳枳實黃連大便不實吐痰無度足跟作痛余曰

足熱肺熱月經過期肝脾血虛也胸痞吐痰飲食少思脾胃氣虛也蓋胃為五臟之根本胃氣一虛諸病悉至先用補中益氣加茯苓半夏脾胃漸健乃佐以六味丸補脾腎不兩月而痊一婦人經候不調發熱喘熱胸膈不利飲食少思服清熱寬中消導之劑前症益甚更兼肢體酸痛服除濕化痰等藥經候兩三月一至服通經降火之劑足跟足指作痛其熱如炙余以為足三陰虧損用補中益氣六味地黃兩月諸證漸退又用前湯并八珍湯兩月而康一婦人足跟患腫兩腿酸軟或赤或白或痛或痒或如無皮

足部 疔毒 疔毒

百三十一

疽 琉璃

或如皴裂日晡至夜脹痛焮熱此屬足三陰虛損用
加減八味丸及逍遙散加熟地川芎百餘劑而愈
一婦人勞則足跟熱痛余作陰血虛用八珍而愈痊
後遍身瘙癢服風藥發熱抽搐肝脈洪數此肝家血
虛火盛而生風以天竺膽星為丸用四物麥門五味
苓連炙甘草山梔柴胡煎送而癒 一婦人兩足發
熱足跟作痛日晡熱甚余謂腎肝血虛用逍遙散六
味丸五十餘劑諸證悉愈
或問足跟之旁生疽何如曰此名琉璃疽屬足太陽
經其色黃腫如琉璃多由行路崎嶇胸傷筋骨脈而

成寒熱併作元氣不足嘔吐昏迷者難治急服五香
湯活命飲勝金丹烏金散選用壯實者一粒金丹或
八陣散下之

○足心癰

鬼遺云兩脚心發微骨者不治如脚心微皮破不至
深發膿不多者可治 足心發毒腫痛亦名涌泉疽
俗名病穿板又名穿窠天蛇屬少陰腎經虛損所致
宜隔蒜灸之實者服活命飲送六味地黃丸有表裏
證量為汗下虛者十全大補湯八味地黃丸大劑不
問晨夜投之潰爛嘔逆迷悶脈微代者效

足心癰

小十四

十一

五靈散

治病穿板亦治穿掌

雞屎子

金腦香

山蜈蚣

脫殼藤

紫金藤

右水煎入酒和服

敷穿板藥

地燈心

桁樹根

右醋蒸薰之併敷上

又方滑菜根砍爛縛之

又方仙人掌根水楊梅根二味砍爛縛之

浸洗藥赤梗紅花蜈蚣煎水浸洗之

肉刺

肉刺者生於足指間形如硬胼與肉相附隱痛成刺

由靴履急窄相摩而成

松脂膏治肉刺

松脂

白膠香

各壹兩

黃蠟

半兩

右於火上熔成膏冷貼用物紮定

無食膏治肉刺

無食子

壹枚

肥皂角

壹挺

右燒令烟盡細研以醞醋於砂盆內別磨皂角如

糊和末敷之立效

本草綱目

外科

卷四

本草綱目卷之四

附味末煨之立效

古欬今因盡時以雞鵝飲少盆內限鵝阜角吹

無食干 各壹 明阜角 壹塊

無食膏 肉陳

古欬火土容丸膏今限用妙紫室

外韻 各壹 白麴香 兩 黃繼 半兩

外韻膏 肉陳

由脾憂急宰卧舉而丸

國陳芥坐外虽計間沃咬野想與肉卧物烈蘇丸陳

肉陳 亦柳紅在喉喉前水及洗之

漢書門
一三九七一
一〇八二
類號函架冊